

ORDENANZA FISCAL NÚM. 106**TAXA POLA PRESTACIÓN DE SERVIZOS NO CEMITERIO MUNICIPAL****ARTIGO 1º. FUNDAMENTO, NATUREZA E OBXECTO**

1. En uso das facultades concedidas nos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases de réxime local, e de conformidade co disposto nos artigos 15 a 19 do Real decreto legislativo 2/2004, do 5 de marzo, polo que se aproba a texto refundido da Lei reguladora das facendas locais, e artigo 81 da Lei 5/1997, do 22 de xullo, da Administración local de Galicia, este Concello establece as Taxas pola prestación de servizos no cemiterio municipal na presente ordenanza, as normas da cal atenden ó previsto nos artigos 20.4 e 57 do citado Real decreto legislativo 2/2004, do 5 de marzo, polo que se aproba a texto refundido da Lei reguladora das facendas locais.

2. Serán obxecto deste tributo os diversos servizos que se regulan na presente ordenanza e as concesións administrativas de terreos do cemiterio de San Froilán e de unidades de enterramento construídas polo Concello.

ARTIGO 2º. FEITO IMPOÑIBLE

1. Está constituído pola utilización dos diversos servizos prestados no cemiterio ou relativos a este e polo outorgamento de concesións administrativas, segundo a continuación se indica:

- a) Outorgamento de concesións administrativas sobre parcelas ou unidades de enterramento.
- b) Cambios de titularidade de concesións sobre terreos e unidades de enterramento.
- c) Renovación de concesións administrativas.
- d) Inhumación de cadáver, restos cadavéricos ou cinzas.
- e) Exhumacións de cadáver, restos cadavéricos ou cinzas.
- f) Reducción de restos cadavéricos.
- g) Utilización do Depósito de cadáveres.
- h) Utilización sala de autopsias.
- i) Entrada de vehículos.

2. Malia o sinalado na alínea anterior, a concesión de permisos ou licenzas para obras no cemiterio inclúese na Ordenanza fiscal de taxas polas ditas licenzas por congruencia coa esixencia que establece o artigo 100 do Real decreto legislativo 2/2004, do 5 de marzo, polo que se aproba a texto refundido da Lei reguladora das facendas locais, ó referirse ó feito imponible do Imposto sobre construcións, obras e instalacións, que tamén grava as realizadas nos cemiteros.

3. Para a concesión de licenzas esixírase a presentación da solicitude e os datos precisos para que se poida facer a liquidación das taxas.

4. O encargado do cemiterio comprobará que as obras ou servizos realizados se axusten ó permiso concedido.

ARTIGO 3º. SUXEITO PASIVO

Son suxeitos pasivos contribuíntes os titulares da concesión administrativa, así como os solicitantes da concesión da autorización ou da prestación do servizo e, chegado o caso, os titulares da autorización concedida.

ARTIGO 4º. RESPONSABLES

1. Responderán solidariamente das obrigas tributarias do suxeito pasivo as persoas físicas ou xurídicas a que se refiren o artigo 42.1.a) e b) da Lei 58/2003, do 17 de decembro, xeral tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral nos supostos e co alcance que sinala a Lei xeral tributaria.

ARTIGO 5º. DEVENGO

Nace a obriga de contribuír por esta taxa no momento en que se inicie a prestación dos servizos, entendendo para estes efectos que o dito inicio se produce coa solicitude destes.

ARTIGO 6º. EXENCIONS SUBXECTIVAS.

Estarán exentos os servizos que se presten con ocasión de:

a) Enterramentos de cadáveres cando se trate de persoas sen recursos, ben perceptores do salario social (RISGA), ou ben de persoas non integradas nas canles de axuda social das que, pola súa condición de transeúntes ou outras circunstancias especiais, se descoñezan datos relativos á súa situación económica e/ou familiar. Estas circunstancias deberanse xustificar nun informe social.

b) Enterramentos que ordene a Autoridade Xudicial na sección de comúns do cemiterio.

Nestes casos, serán por conta do Concello os gastos mínimos imprescindibles para poder efectuar o enterramento, que poderán ser repercutidos ás persoas interesadas que soliciten exhumación e traslado do cadáver para outra unidade de enterramento ou para outro cemiterio antes da finalización do prazo de 5 anos estipulado legalmente para a apertura da sepultura.

ARTIGO 7º. BASES DE GRAVAME, TARIFAS E COTAS

1. Na determinación da base imponible nos distintos conceptos descritos no artigo 2º e atendendo á súa natureza, teranse en conta os seguintes criterios:

- Tipo de unidade de enterramento (Anexo I)

- Grupo de unidade de enterramento (Anexo II)
- Ocupación de terreo.
- Situación da unidade de enterramento na zona antiga ou na zona nova do cemiterio municipal.
- Periodo de concesión, sexa de 5, 10 ou de 25 anos.
- Naqueles casos nos que non sexan de aplicación os devanditos criterios, atenderase á natureza do servizo obxecto de gravame segundo os epígrafes descritos no artigo 2º.

2. As cotas tributarias determinaranse por aplicación das seguintes TARIFAS:

Código	Concepto	Importe
A	Outorgamento de concesións por 25 anos	
A.1	Taxa por ocupación	
A.1.1	Terreos zonificados para panteóns, por m ² :	257,50 €
A.1.2	Terreos de unidades de enterramento do grupo 1º, por m2	168,46 €
A.1.3	Terreos de unidades de enterramento do grupo 2º:	
A.1.3.1	Nicho	82,25 €
A.1.3.2	Cripta	253,17 €
A.1.3.3	Columbario	28,69 €
A.1.4	Terreos de unidades de enterramento do grupo 3º, por m2	76,27 €
A.2	Taxa da construción	
A.2.1	Nichos ubicados na zona antiga do cemiterio:	
A.2.1.1	Corpo con cinceiro	1.122,19 €
A.2.1.2	Corpo sen cinceiro	973,35 €
A.2.2	Nichos ubicados na zona nova do cemiterio	
	Corpo	1.631,57 €
A.2.3	Criptas, zona nova do cemiterio, unidade	4.461,65 €
A.2.4	Columbarios de parede zona nova, unidade	339,80 €
A.2.5	Sepulturas construídas na zona antiga do cemiterio:	
A.2.5.1	Sepultura castelá (1 parcela)	2.748,23 €
A.2.5.2	Sepultura de 3 corpos con acceso lateral (2 parcelas)	3.618,49 €
A.2.5.3	Sepultura de 6 corpos con acceso central (3 parcelas)	4.694,89 €
A.2.5.4	Sepulturas de 4 corpos con cinceiro	5.622,92 €
A.2.6	Sepulturas construídas na zona nova do cemiterio:	
A.2.6.1	Sepultura castelá de 3 corpos	3.737,97 €
A.2.6.2	Sepultura de 3 corpos con acceso lateral	5.411,89 €
A.2.6.3	Sepultura de 6 corpos con acceso central	7.803,18 €
A.2.7	Panteóns: O seu valor establecerase individualmente, segundo proxecto técnico de construción aprobado no seu día e do informe técnico que en cada caso se realice.	
B	Outorgamento de concesión por 10 anos	
B.1	Nichos de urxencia na zona nova do cemiterio, por corpo	643,16€
C	Outorgamento de concesión por 5 anos e a súa renovación	

Código	Concepto	Importe
C.1	Columbarios individuais en espazos singulares	140,95€
D	Renovación de concesións	
D.1	Renovación de concesión de 25 anos Aplicase a taxa por ocupación (epígrafe A)	
E	Cambio de titularidade das concesións	
E.1	Nichos, columbarios, por falecemento do titular	72,10 €
E.2	Sepulturas, criptas, por falecemento titular	206,00 €
E.3	Panteóns, por falecemento titular	1.545,00 €
E.4	Nichos, columbarios, por cesión intervivos	128,75 €
E.5	Sepulturas, criptas, por cesión intervivos	412,00 €
E.6	Panteóns, por cesión intervivos	3.090,00 €
F	Inhumación	
	Inhumación de cadáver en panteóns	153,57 €
F.1	Inhumación de cadáver en sepulturas do grupo 1º e Panteóns	64,43 €
F.2	Inhumación de cadáver en sepulturas do grupo 2º:	39,60 €
F.3	Inhumación de cadáver en sepulturas do grupo 3º:	39,60 €
F.4	Inhumación de restos cadavéricos ou cinzas en calquera unidade de enterramento**	24,46 €
G	Exhumación	
G.1	Exhumación de cadáver en calquera unidade de enterramento	64,43 €
G.2	Exhumación de Restos cadavéricos ou cinzas	24,46 €
H	Reducción	
H.1	Reducción de restos cadavéricos	39,60€
I	Depósito de cadáveres	
I.1	Depósito de cadáveres no cemiterio, cada 24 horas	25,39 €
K	Sala de autopsias	
K.1	Utilización instalación, por servizo	25,39 €
L	Entrada de vehículo con coroas	
L.1	Vehículo con coroas co enterramento	Sen cargo
L.2	Vehículo con coroas sen enterramento	3,45 €
M	Reparacións	
M.1	Tellados de nichos adosados ao muro, cada corpo	51,50 €
M.2	Tellados de nichos módulos interiores	61,80 €
M.3	Reparación en panteóns adosados	206,00 €

*Para a determinación dos grupos e tipoloxía de unidades de enterramento, estarase ao disposto nos anexos I e II da presente ordenanza.

*Non devengará taxa a utilización do espazo para estrar cinzas na zona habilitada do Xardin das Lembranzas.

NORMAS ACLARATORIAS

1. Para a determinación dos tipos de unidades de enterramento e da súa inclusión nos distintos grupos en función da zonificación do recinto, estarase ao disposto nos anexos I e II da presente ordenanza.

2. Para unha maior exactitude na aplicación das taxas por exhumación, e redución, atenderase aos seguintes criterios:

Inhumación, enténdese como o acto de enterramento do cadáver, restos cadavéricos ou cinzas no nicho, sepultura, columbario ou unidade de destino.

Exhumación como a acción de extraer do seu lugar de enterramento o cadáver, restos cadavéricos (unha vez reducidos) ou cinzas, o cal implica a retirada da lápida, a rotura dos cerramentos do recinto interior, retirada das tapas interiores, extracción do féretro ou, no seu caso, caixa de restos ou cinzas para a súa reihumación no mesmo cemiterio, traslado para outro cemiterio, incineración ou para as accións que dicte o xulgado.

Reducción, consiste na extracción dun féretro inhumado, como mínimo cinco anos antes, con obxecto de separar os elementos óseos de materias téxtiles e orgánicas e reunilos nunha caixa de restos para o seu depósito no cinceiro, traslado fóra do cemiterio, incineración ou reihumación noutra unidade de enterramento. Esta actividade implica a retirada da lápida, rotura dos cerramentos do recinto interior, retirada das tapas interiores, extracción manual do que queda do féretro para a separación dos restos téxtiles, madeiras etc, dos restos esqueléticos.

O tratamento posterior dos restos cadavéricos resultantes da redución para a súa exhumación ou traslado devengarán a taxa correspondente do servizo que corresponda.

Deste xeito, se se pretende o seu traslado para outra unidade de enterramento do propio cemiterio, devengará ademais a taxa de inhumación que corresponda e se se trata dun traslado para outro cemiterio devengará a taxa de exhumación de restos cadavéricos. O depósito no cinceiro da mesma unidade de enterramento non devenga taxa ademais da que corresponda á redución.

3. Normas relativas á regulación das concesións

3.1. As concesións regularanse polas normas contidas no capítulo IV do Regulamento xeral dos servizos mortuorios no municipio de Lugo aprobado en sesión plenaria do día 23 de setembro de 1994 e, naqueles aspectos non regulados, polo contido na presente Ordenanza.

3.2. A ocupación dos nichos, sepulturas e panteóns, entenderase polo período máximo de 50 anos, con renovación cada 25, dentro do límite máximo establecido polo artigo 299 da Lei 5/97 da Administración local de Galicia en vigor, ou ata o momento da clausura do cemiterio se tivese lugar antes do transcurso deste período.

3.3. Para poder acceder á renovación periódica das concesións, será requisito imprescindible que os obrigados ó pago estean ó día nas taxas e canon esixibles.

3.4. O dereito de ocupación nas unidades de enterramento que non foran obxecto de concesión, enténdese por un período máximo de cinco anos. Ao concluír este período, os restos cadavéricos poderán ser trasladados ao osario xeral, segundo o disposto no Regulamento de Cemiterio en vigor, quedando a unidade a disposición do Concello para a súa nova utilización.

3.5. Cando o Concello autorice a permuta de parcelas dentro daquel ou diferentes grupos, e sempre que non se trate dunha medida imposta por este, satisfarase o canon

que corresponda en concepto do valor do terreo rateado polo tempo que falte para finalizar o período de vintecinco anos.

3.6. No caso de caducidade da concesión de parcelas, quedará a disposición municipal a construción funeraria. O Concello poderá cederllas ó novo/a concesionario ou concesionaria nas condicións establecidas no Regulamento Xeral dos Servizos Mortuorios en vigor.

Se a nova concesión se outorga a favor de anterior titular ou o/a que fose o seu/súa cónxuxe no momento da concesión, a tarifa correspondente á construción, terá unha bonificación dun 96%. O importe máximo a aboar neste concepto e caso é o de 1.000,00 € para os panteóns e de 300,00 € para as restantes unidades de enterramento.

Se se outorga a favor de herdeiro ou herdeira lexítimos, a bonificación será dun 92%. O importe máximo a aboar neste concepto e caso é de 1.500,00 € para os panteóns e de 350,00 € para as restantes unidades de enterramento.

Nos restantes casos serán de aplicación as bonificacións que a continuación se indican:

Anos da construción	Bonificación
De 15 a 19 anos	10%
De 20 a 24 anos	15%
De 25 a 29 anos	20%
De 30 a 34 anos	30%
De 35 a 39 anos	40%
De 40 a 44 anos	50%
De 45 a 49 anos	60%
De 50 a 54 anos	70%
Máis de 55 anos	80%

3.7. Salvo no previsto no apartado L) de tarifas, a entrada de vehículos ó recinto do cemiterio requirirá exclusivamente a autorización verbal do encargado.

3.8. A concesión por urxencia caducará ó termo do seu prazo de duración ou ben coa desaparición do obxecto da concesión, entendéndose como tal o traslado dos restos antes do cumprimento do prazo, en tal caso quedará o nicho a libre disposición do Concello.

Neste caso, o concesionario poderá solicitar a devolución do importe ingresado, no seu día, en concepto de concesión administrativa de nicho de urxencia, na parte proporcional que corresponda ós anos que resten para a finalización da concesión, ata un máximo do 75 por cento do importe total.

Estas concesións non serán renovables e levarán implícita a obrigaón de retirar os restos á finalización do prazo de concesión.

3.9. A concesión de columbario individual en lugar singular terá unha duración mínima de 5 anos, e poderá ser renovada por períodos iguais.

3.10. As sepulturas construídas no antigo cemiterio, ás que se refire o código de taxa A.2.5.4, do artigo 7, para os efectos de prestación de servizo, obras, renovacións, etc., asimílaranse ás incluídas no grupo primeiro.

ARTIGO 8º. CONSERVACIÓN

Os servizos xerais e os non regulados nesta e noutras ordenanzas deste Concello, están excluídos do devengo de taxas.

ARTIGO 9º. INGRESO

Os suxeitos pasivos efectuarán o ingreso do importe da taxa relativa ós servizos regulados nos distintos epígrafes da presente Ordenanza, na Recadación municipal, polo procedemento de autoliquidación que realizarán en impreso regulamentario que facilitará o Servizo de Cemiterios.

ARTIGO 10º. INFRACCIÓNS

En todo o relativo á cualificación das infraccións tributarias, así como ás sancións daquelas que correspondan en cada caso, estarase ó disposto nos artigos 181 e seguintes da Lei xeral tributaria.

DISPOSICIÓN COMPLEMENTARIA

Para o non previsto expresamente nesta ordenanza teranse en conta os preceptos da Ordenanza fiscal xeral, o Regulamento xeral dos servizos mortuorios de 1994, vixente na actualidade, Decreto 151/2014, do 20 de novembro, de sanidade mortuoria de Galicia, e demais normas sanitarias de aplicación e, no que se refire a licenzas urbanísticas, ás normas da Ordenanza fiscal reguladora das Taxas pola prestación de servizos urbanísticos e a Ordenanza reguladora do Imposto sobre construcións, instalacións e obras que lle sexan aplicables.

DISPOSICIÓN FINAL

A presente ordenanza entrará en vigor o día da súa publicación no Boletín Oficial da Provincia, comezará a aplicarse ese mesmo día e permanecerá en vigor ata a súa modificación ou derogación expresa⁸.

⁸ O texto da ordenanza transcrita, é o da súa redacción vixente, integrada coas modificacións aprobadas polo Concello Pleno mediante acordo de data 14 de novembro de 2016, para rexer a partir do 6 de marzo de 2017 (Boletín Oficial da Provincia de Lugo núm. 53 do 6/03/2017).

ANEXO

GRUPOS DE NICHOS, SEPULTURAS SOTERRADAS, PARCELAS E COLUMBARIOS.

GRUPO PRIMEIRO

Subgrupo A, que inclúe as seccións: 1, 2, 3, 6, 7, 10, 11, 12, 13, 16, 17, 20, 21, 22, 23, 24, 25, 29, 33, 34, 35, 39, 42, 43, 44 (completas), e a fila 47 da zona nova do cemiterio.

Subgrupo B, que inclúe as seccións: 4, 5, 8, 9, 14, 15, 18, 19, 26, 30, 36, 37, 40, 41, só os números de sepulturas comprendidas entre o un e o cento seis (menos de 106).

GRUPO SEGUNDO:

Seccións: 27, 28, 31, 32, 38, e nichos construídos nas parcelas de panteóns de parede das seguintes seccións: 15, 16, 17, 18, 19, 20, 21, 22, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70.

Tamén se inclúen os nichos, columbarios e criptas sitios na zona nova do cemiterio, designados coas filas, 1, 2, 3, 4, 5, 6, 7, 8, 9 e 10.

GRUPO TERCEIRO:

Seccións: 4, 5, 8, 9, 14, 15, 18, 19, 36, 37, 40, 41. Só os números de sepulturas superiores ó cento seis (máis do 106).